



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-1-40-102-5/24**
Datum: **01.08.2024. godine**

«Agencija za vodno područje rijeke Save» Sarajevo rješavajući po zahtjevu Investitora „HORMAN“ d.o.o., Hadžići za izdavanje prethodne vodne saglasnosti za izgradnju farme za tov pilića u naselju Tarčin, općina Hadžići na osnovu člana 121. stav 3. Zakona o vodama («Službene novine Federacije BiH», broj 70/06) i člana 67. stav 2. Zakona o upravnom postupku («Službene novine Federacije BiH», br.2/98, 48/99),
donosi

ZAKLJUČAK

Odbacuje se zahtjev Investitora „HORMAN“ d.o.o., Hadžići za izdavanje prethodne vodne saglasnosti za izgradnju farme za tov pilića na zemljištu označenom kao k.č. broj: 1845/3 K.O. Tarčin, općina Hadžići zbog nepotpunosti dokumentacije i smatra se kao da nije ni podnesen.

Obrazloženje

Investitor „HORMAN“ d.o.o., Hadžići svojim zahtjevom zaprimljenim 29.02.2024.godine, zatražio je izdavanje prethodne vodne saglasnosti za izgradnju farme za tov pilića na zemljištu označenom kao k.č. broj: 1845/3 K.O. Tarčin, općina Hadžići.

U provedenom postupku dostavljena je i pregledana sljedeća dokumentacija:

- Ovjerena kopija Aktuelni izvod iz sudskog registra broj: 065-0-RegZ-23-002073 od 15.06.2023. godine izdato od Općinski sud u Sarajevu;
- Ovjerena kopija Uvjerenje o registraciji poreznog obveznika od 20.06.2023. godina izdato od Kantonalnog poreznog ureda Sarajevo;
- Ovjerena kopija katastarskog plana, razmjera 1:2500, broj plana:17, UR broj: 05-26-2-1523/2024-4 od 08.02.2024. godine izdato od Službe za imovinsko pravne poslove, geodetske poslove i katastar nekretnin, općina Hadžići;
- Ovjerena kopija zemljišnoknjižnog izvotka broj:18311/24 ZK uložak broj: 1006 izdatog dana 14.02.2024. godine od strane Zemljišnoknjižnog ureda, Općinski sud u Sarajevu;
- Uvjerenje broj: 07-19-3-6212/2024 od 26.04.2024. godina izdato od Službe za prostorno uređenje, urbanizam i građenje općina Hadžići;
- Studija za prethodnu vodnu saglasnost objekat za tov pilića, šifra: PVS.06.LS.PER.I/24, Januar 2024. godina urađena od „PERSPEKTIVA-inženjering“ d.o.o., Visoko;
- Uplata federalne upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. i članom 19. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH, broj 31/15, 55/19 i 41/20) dopisom broj: UP-1/21-1-40-102-2/24 od 23.04.2024.godine u kojem je zatraženo od podnosioca zahtjeva da isti upotpuni u roku od 15 (petnaest) dana od dana urednog prijema dostavljene obavjesti. Investitor je u predviđenom roku dostavio Uvjerenje broj: 07-19-3-6212/2024 od 26.04.2024. godina izdato od Službe za prostorno uređenje, urbanizam i građenje općina Hadžići. Dostavljeno Uvjerenje iz službene evidencije nije akt koji je tražen navedenim dopisom. Da bi Agencija mogla nastaviti upravni postupak novim dopisom broj: UP-1/21-1-40-102-3/24 od 07.05.2024.godine je zatraženo od podnosioca zahtjeva dostavljanje Mišljenja o usklađenosti planirane aktivnosti sa dokumentima prostornog uređenja.

Kako podnositelj zahtjeva nije dopunio podnesak u ostavljenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama («Službene novine Federacije BiH», broj 70/06) i članom 67. stav 2. Zakona o upravnom postupku («Službene novine Federacije BiH», br.2/98, 48/99) riješeno kao u dispozitivu ovog zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse prema tarifnom broju 3. Tarife federalnih administrativnih taksi.

Obradivač akta:

Remić Dž. dipl. iur.


Po ovlaštenju
Rukovodilac Sektora za izdavanje vodnih akata
Nihad Pezo, dipl.ing.građ.

Dostaviti:

- „HORMAN“ d.o.o., Hadžići
Ul. Bosanskih gazija 124, Hadžići
- ☉ AVP Sava, ISV – Vodna knjiga
- Sektor 40, arhiva
- Oglasna ploča, AVP Sava